

OGASAMI FAALENATURA A SAMOA

O le a le Ogasami faalenatura?

O le ogasami faalenatura o se faavasegaga lea o siosiomaga eseese i le sami o loo nofoia ma maua ai meaola e tutusa o latou uiga ma olaga i ni vaega laiti. E mafai ona avea sea vaega laititi e puipuia ma pulea tatauina e sui tulaga ai i meaola o loo ofaga ma ola i siosiomaga faalenatura eseese.




O le silafia lelei o le sami, o se la'asaga taua lea mo ni faai'uga o le a faia. O se tasi o auala mo le fa'avasegaga o le Sone Sa'oloto a Samoa, o le fa'atulagaina lea o le sami i ogasami o loo maua ma ola ai meaola (i'a, figota ma vao/limu) e tutusa o latou uiga ma olaga. O lea silafia e faaoga e filifilia ma ave ai le faamuamua mo ni ogasami e ao ona pulea tatau ma faasaina.



Ua fa'avaeina nei se Fuafuaga mo Ogasami Faapitoa (MSP) e pei ona aiaia i le Taiala Autu mo le Sami a Samoa (SOS) 2020 – 2030. O le Fuafuaga mo Ogasami Faapitoa, o se gaioiga faatino e faafetaui a'i manaoga mo atina'e ma mana'omiaga o le tausia lelei o siosiomaga eseese o le sami o loo faalagolago iai nei gaioiga ma atina'e.



O le fa'avaeina o ogasami fa'asao e iai feso'otaiga lelei i totonu o le Sone Sa'oloto a Samoa, o se fa'aiuga taua lea i le fuafuaga mo ogasami e faapitoa, aemaise o le fa'avaeina o nisi ogasami faapitoa e mafai ai ona ausia faamoemoega tau le soifua manuia, atinae ma le aganu'u.



Ogasami faalenatura e lima i vaega loloto ma le vasa laolao ua fa'avasegaina e fua i vaega o le alititai ma le tau, ma ua fa'aigoaina i ni igoa Samoa.

Ogasami faalenatura i vaega o amu ma a'au a Samoa



4. A'au si'omia

O se vaega o le aloalo e papa'u ma siomia e se tama'i motu ma e na o Savai'i e maua ai.

3. Aau

A'au tau mamao
O se vaega o aau faapitoa ma aloalo lavelave ma e na o Savai'i e maua ai.

5. Tu tetele

O se vaega laititi o le aau o lo'o maua ai amu tetele e tu tu ta'itasi i vaega tau lotoloto o le aau.

1. Amu/A'au

O se vaega e malutia, pito-aau mamao mai le taligalu, ua avea ma aau tali pupuni ma maua ai se aloalo papa'u o le gataifale. E tifa to i le loloto se vaega ma ni amu e salalau solo ma ola i le aloalo.

2. Tuua'u

Feagai ma le sami loloto ma galu malolosi, si'u-aau mamao, aau ua avea ma tali pupuni ma se aloalo papa'u o le gataifale. E tifa to i le loloto se vaega ma ni amu e salalau solo ma ola i le aloalo.

